

SANITÉ: L'ambulatory dla doturia Grete Mahlnecht a Lungiarü é stlüt en chësc lönesc, ai 12 d'aurí.

PLOANIES SAN MARTIN Y LUNGIARÜ

Le massá de Jeunn á lascé alsavëi che la Prozesciun de Jeunn vëgn sburlada a n'atra ota.

L'assegnaziun di 8 pormile ala Dlijia catolica é na buna ocasiun da ti sporje pormez cotan de scioldi ala Diozeja, cun chi che la Caritas pó daidé tröpa jënt che é rovada tla meseria te chësc tēmp dla pandemia.

I un ma bria da sotescri, zēnza ch'i messun instēsc dé fora n euro.

La sotescriziun pó gní fata sön la detlaraziun dl davagn. I pensioná che ne dá jö degöna detlaraziun é invíá da implí fora y sotescri le formular ch'ai á ciafé pro le modul CU dal INPS, o da implí fora y sotescri le formular ch'an ciafa apé de dlijia, y da le dé sö por posta tla coperta injuntada.

Sön la plata internet dla Diozeja www.bz-bx.net él vigni edema, por trëi edemes alalungia, n ater video da odëi sciöche chisc scioldi vëgn adorá.

La Diozeja inviëia ince da sotescri por le 5 promile sön le medemo formular ch'an pó destiné a organizaziuns religiozes o soziales.

SAN MARTIN

N gran dilan a dötes les porsones y uniuns che á a val manira porté pro ala zelebrazion garatada dla liturgia dl'Edema Santa. Dilan ince al Istitut Ladin che á metü a desposiziun le salf. *siur Heinrich y le Consëi de cöra.*

En lönesc, ai 12 d'aurí, s'abina le consëi de cöra por traté chisc punc: i cunc dl ann 2020, coopté le mone tl consëi, conscideraziuns y propostes por ci che reverda nosta cöra tla situaziun atuala, invié ia les lites dl consëi de cöra y d'ater.

Al vëgn dër bel invié i geniturs dles mitans y di mituns che vá ala pröma comuniun ala reuniun por invié ia la preparaziun, en dedolönesc, ai 13 d'aurí, dales 19.30, tl salf di stödafüch.

En domënia, ai 18 d'aurí, vëgnel tigní dan mëssa te dlijia na devoziun a San Germano, impede la prozesciun che ne pó nia gní fata.

Al vëgn recordé che da jí ala comuniun dessel gní fat na fila sora, por che i comunicanc pois tigní ite la destanza scritta dant. Dilan!

LUNGIARÜ

Por la oferta "Misereor" trata ite en Vëndres Sanc él jü ite 2.113,96 euro y de chisc 376,19 euro dai mituns. Chësta oferta vëgn menada inant ala Diozeja y vá a bëgn dles Misciuns.



Plata dles Ploanies San Martin y Lungiarü

siur ploan Klaus Sottsas 344 15 54 055 - klcottsas@rolmail.net
siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194

www.valbadiaonline.it/comunita

11.04. - 18.04.21 nr. 20

DOMËNIA BLANCIA - B DOMËNIA DLA MISERICORDIA

Vangele do Jan 20,10-31

La sëra dl pröm dé dl'edema, canche i discepuí â dala tēma dan dai iüdes sarè pro les portes, él gnü Gejü, é jü amesa ëi ite y ti à dit: Pēsc a os!

Do chēstes parores ti àl mostrè sües mans y so costà. Dailó s'alegrà i discepuí da odëi le Signur. Gejü ti à ciamò n iade dit: Pēsc a os!

Sciöche le Pere m'â menè mè, insciö ves mëni iö os. Do ch'al â albü dit chësc, ti àl fladè ados y ti à dit: Recioiède le Spirit Sant! A chi che os ti lascëis do i piçià, ti ési lascià do;

y a chi che os ne ti ai lascëis nia do, ne ti ési nia lascià do. Tomesc, nominé Didimus, un di dodesc, n'è nia pro d'ëi, canche Gejü è gnü. I atri discepuí ti à spo dit: I ùn odü le Signur. Al ti à respognü: Sc'i ne vëighi nia les ferides di agüs te sües mans y sc'i ne pò nia mëte mi dëit tl büsc di agüs y mia man te so costà, ne crëii nia. ...



Sciöche Tomesc se fajunse ince nos ert da crëie tla ressourceziun.

Por crëie oressun ion mëte condiziuns: ma sc'i le podun odëi, pié ite y capí.

Al n'è degönes proes scientifiches por desmostré la ressourceziun de Gejü, mo i un les parores y les opres de chës porsones che á vit cun Gejü.

Y i un incö, do da 2000 agn, la testimonianza de miliuns de cristians/es che á dé döt por süa fede.

Ci ch'ai á esperimenté n'ai nia ma testimonié cun sües parores, mo tröc ince cun süa vita y so sanch.

La fede tla ressourceziun vëgn cuntada y testimoniada da un al ater.

Al é na chestiun de ti crëie y de ti avëi crëta ai discepuí de Gejü, y nia na chestiun de odëi proes che se lascia desmostré. (PG.)

EDEMA	SAN MARTIN	LUNGIARÜ	MISTERS DLA MISERICORDIA
11.04.2021 DOMËNIA BLANCIA DLA MISERICORDIA	9.00 Corona por Vocaziuns 9.30 Gran Mëssa por la Comunité ++ fredesc Ferdigg, Preroman + Maria Dapunt Erlacher	7.55 Corona 8.15 Gran Mëssa por la Comunité en onú de Sant Ojöp Freinademetz	1) Gejú incunta la samaritana Gejú ó ti daurí le cör. Al la präia do ega y ara s'intënn che ëra á instëssa sëi. Ara resta imprescionada da chësta incuntada y ti fej a Gejú chës domandes sotes ch'i un ince nos daite, mo ch'i ne s'intopun gonot nia da ti fá. 
12.04.21 Lönesc <i>Zeno, Herta</i>	19.30 Sentada dl Consëi de cöra		
13.04.21 Dedolönesc <i>Martin, Ida</i>	19.00 Mëssa + Angelina Tolpei + Notburga Penazzi (dl ann) por le Animes dl purgatore 19.30 Reuniun geniturs por la 1ª comuniun tl salf di Stödafüch		
14.04.21 Dedemesaledema <i>Valerian, Lidwina, Erna</i>		7.30 Mëssa families Giovanni y Hannele Chiusura a d'intenziun por les püres Animes	
15.04.21 Jöbia <i>Teodor, Dionise, Damian</i>	7.30 Mëssa por les Animes de rengraziamënt a Sant Antone y San Bostian a d'intenziun		
16.04.21 Vëndres <i>Bernardeta, Benedët</i>	18.30 Adoraziun chîta 19.00 Adoraziun deboriada	7.30 Mëssa de rengraz. familia Oswald Verginer + Maria Clara Verginer	
17.04.21 Sabeda <i>San Ciascian y San Vigile,</i> <i>patrons de nosta Diozeja</i>	17.30 Mëssa prefestia fam. de Maurizio Soppelsa de rengraz. families de Claudio Moling de rengraz. ++ + Martin, Frida y Clara Ploner + Erna Frenner	19.00 Mëssa prefestia familia de Sepl y Maria Clara, Sanví + Iarone Rungger + Scimun Mischi + Carlo Planatscher	
18.04.2021 TERZA DOMËNIA DE PASCA - B	9.00 Devoziun a S Germano te dlijia 9.30 Gran Mëssa por la Comunité + Angelina Tolpei ++ Maria (dl ann) y Franz Chizzali por les Animes 11.00 Bato de Samuel Erlacher 14.30 Bato de Luca Dapoz a Bioch	7.55 Corona 8.15 Gran Mëssa por la Comunité en onú de Sant Antone Abat	2) Gejú vá a chirí la biscia pordüda A Chël Bel Dî él vigni biscia che ti stá a cör, öna por öna. Y sc'al n'é ince ma öna che vá a perde, odunse döt so amur y süa soferënza. Gejú, le bun famëi, é gnü a dé ca süa vita por sües bisces. 3) Gejú incünda la misericordia dl Pere che tol sö le fi pordü Sovënz se mancel l'ardimënt y la confidënza da jí indô da Chël Bel Dî. Mo ël nes mantëgn la fedelté: al n'aspeta nia ma, al nes vëgn cinamai adincuntra. 4) Gejú ti pordona ala ëra adultera La misericordia é la manira sciöche Chël Bel Dî pordona. Chiló odunse le comportamënt misericordius de Gejú. Al defënn le piciadú dan dai nemisc, al straverda le piciadú da na condana che podess ince ester iüsta. Al pordona cun na aicia. 5) Gejú söla crusc tol sö le ladrün te paraisc Ince söla crusc sighita Gejú da se tigní pro l'amur y la misericordia, por podëi abracé döt y düc. Dal amur y dala misericordia, che é tan gragn da n'avëi degöna mosöra, vëgn ince l'ultima parora: „Incö saraste cun me a paraise!“